

司馬文正公集

新平船

PDG

西安府志卷第五十五

古蹟志上

宮闕

唐

京城唐地理志上都初曰京城天寶元年曰西京至德二載曰中京上元二年復曰西京肅宗元年曰上都京城前直子午谷後枕龍首山左臨灊岸右抵澧水德宗紀貞元四年築夾城長安志唐京城東西一十八里一百一十五步南北一十五里一百七十五步周六十七里郭中南北十四街東西十一街其間列置諸坊有京兆府萬年長安二縣所治寺觀邸第編戶錯居焉當皇城南朱雀門有南北大街曰朱雀門街東西廣百步萬年長安二縣以此街

爲界萬年領街東五十四坊

興道開化光福靖善蘭陵開明保寧安義務本崇義長興

永樂靖安安善大業昌樂安德翊善光宅永昌來庭永興

崇仁平康宣陽親仁永寧永崇昭國進昌通善通濟長樂

大寧勝業安邑宣平昇平修政曲池青龍及東市長

興寧永嘉興慶道政常樂靖恭新昌昇道修德及東市長

安領街西五十四坊

立政敦化豐樂安業崇業永達道德

宣義豐安昌明安樂修德輔興頌政布政延壽光德懷真

崇賢延福永安敦義大通大安安定休祥金城醴泉懷遠

長壽嘉會永平通軌歸義昭行修真普寧義寧及西市通

居德羣賢懷德崇化豐邑待賢永和長安和平及西市通

志長安志載萬年所領五十四坊今缺其三別見有昌化

延年修仁正平四坊疑此四坊或有三坊在萬年所領之

內而失其天祿識餘其陽有六岡如乾之六爻唐宮殿皆

地望也

在九二岡上而作太清宮于九五岡上百官府在九四岡

上 明德門六典南面三門中曰明德長安志北當皇城

朱雀門南出抵終南山八十里 啓夏門六典南面三門

東曰啓夏長安志門外西南二里有圓邱先農藉田三

按長安圖東南角有進芳門安化門六典南面三門西

曰安化通化門長安志東面三門北曰通化至德三載

改爲達禮門尋復舊雍錄通義東有長樂陂下臨漚水唐

李義琰傳義琰致仕公卿以下悉祖餞通化門外時人比

漢疏廣春明門六典東面三門中曰春明實錄開元十

七年五月侍臣以下燕于春明門延興門六典東面三

門南曰延興長安志同昌公主薨懿宗與郭淑妃御延興

門哭送開遠門長安志西面三門北曰開遠唐吐蕃傳

初太宗平薛仁果得隴上地虜李軌得涼州破吐渾高昌

開四鎮元宗繼收黃河磧石宛秀等軍中國無斥候警幾

四十年開遠門揭候題曰西極道九千九百里示戍人無
萬里行也 金光門六典西面三門中曰金光唐韓朝宗

傳朝宗天寶初爲京兆尹分渭水入金光門長安志西出
趨昆明池也 延平門六典北面一門曰光化

皇城六典在京城其中左宗廟

在安上門內之東

右社稷

在含光門

之百僚廨宇列乎其間凡省六寺九臺一監四衛十有八
東宮官屬凡府一坊一寺三率府十 朱雀門長安志皇

城南面三門中曰朱雀北當宮城之承天門南當外郭之

明德門玉海隋制士庶不得雜居朱雀門內故宗廟官寺

兵衛悉在焉 安上門長安志朱雀門東曰安上至德三

載改爲光天尋復舊

含光門長安志朱雀門西曰含光

風門六典東西二門南曰景風 延喜門長安志東

門二門北曰延喜直東當外郭之通化門通鑑宣宗二年

八月河隴老幼千餘人詣闕下上御延喜門樓見之歡呼

舞躍解胡服襲冠帶觀者皆呼萬歲 順義門長安志西

面二門南曰順義 安福門長安志西面二門北曰安福

西當外郭之開遠門朝野僉載睿宗先天二年正月十五

至十七夜于安福門外作燈輪高二十餘丈然五萬盞燈

望之如華樹妙簡長安萬年少年婦千餘人衣服花釵于

燈輪下踏歌三日夜

按唐京城皇城及諸門皆仍隋舊今叙述于隋從略者
以唐古蹟較多考據爲便也

西內太極宮唐地理志宮城在皇城之北長千四百四十步廣九百六十步周四千八百六十步崇三丈有半長安志宮城東西四里南北二里二百七十步周十三里一百八十步南卽皇城北抵苑東卽東宮西有掖庭宮玉海龍朔後皇帝常居大明宮乃謂之西內神龍元年改曰太極宮雍錄太極宮隋大興宮也諸帝多居大明宮或遇大禮大事復在太極如高宗元宗每五日一御太極凡初卽位不于大明而于太極者知太極尊于大明也雍勝略西內三城外一重曰京城外郭城也中一重曰皇城惟列府市不使雜人居止又內一重曰宮城則今之省城正直宮城之地所謂六爻九二之地也承天門長安志正殿南牆

開皇三年作初名廣陽門仁壽元年改昭陽門唐武德元
年改順天門神龍元年改承天門外有朝堂東有肺石西
有登聞鼓六典元正冬至大陳設宴會赦過宥罪除舊布
新受萬國之朝貢四夷之賓客御承天門以聽政通典鑾
駕出宮守宮設從駕之官五品以上次于承天門外東西
朝堂長樂門重福門一作重門永春門六典注承天門東曰
長樂門北入恭禮門又北乾化門則宮內也長安志次東
曰重福門卽東宮之正門門東西有左右永福門次東曰
永春門廣運門永安門六典注承天門西曰廣運門永
安門長安志廣運門內有左藏庫次北有舊右藏庫後有
中書省西北有武庫北入安仁門又北肅章門門內入宮

中按廣運門長安志叙入長樂門之東六典注云在承天門之西今卽所入之門考之則安仁肅章皆在西則入自廣運者不應由承天門之東道曲折西向而趣安仁肅章以入宮中六典注是也鳳凰門長安

志西內東面一門隋曰建春後改通訓唐明皇時鳳凰飛

集詔改鳳凰門通明門嘉猷門長安志西面二門南曰

通明北曰嘉猷定武門安禮門元德門長安志北面三

門正北曰定武次東曰安禮東宮北門曰元德嘉德門

長安志太極門外承天門之內曰嘉德通典鑾駕還宮至

承天門外侍臣下馬駕入嘉德門太樂令令撞蕤賓之鐘

鼓祝奏采茨之樂歸仁門納義門長安志嘉德東廊有

歸仁門西廊有納義門唐禮志元正冬至受朝賀太師率

其屬受諸州及諸蕃貢物出歸仁納義門執物者隨之

太極門長安志當承天門內北曰太極門隋曰大興後漢
乾福唐貞觀八年改太極東隅鼓樓西隅鐘樓貞觀四年
置通典鑾駕至太極門宴敵樂止入太極門鼓祝奏太和
之樂 太極殿唐高祖紀武德元年五月甲子卽皇帝位
于太極殿六典太極門內曰太極殿朔望則坐而視朝注
臺古之中朝也隋曰大興殿武德元年改有東西上二閣
門馬志東上閣在殿東西上閣在殿西 左延明門長安
志太極殿東廊又殿西廊爲右延明門通典刑部郎中以
時令置于案覆以帊令史二人俱公服對舉案立于右延
明門內道北郎中立于案後 門下省中書省長安志門
下省在左延明門東南中書省在右延明門東南玉海時

南尚書省爲南省門下中書省爲北省亦謂門下省爲左
省中書省爲右省或通謂之兩省 宏文館兩京記在門
下省東唐百官志武德四年置修文館于門下省九年改
宏文神龍元年改昭文以避孝敬皇帝之名 史館長安
志在門下省北貞觀三年置秘書內省以修五代史又置
史館以編國史尋廢秘書內省 朱明門六典太極殿北
曰朱明門左曰乾化門右曰肅章門長安志肅章門西曰
暉政門乾化門東曰武德門 武德殿延恩殿六典武德
門內兩京記武德殿在西內乾化門東北 兩儀門六典
朱明門北 兩儀殿六典兩儀門內常日聽朝而視事焉
蓋古之內朝也長安志兩儀殿在太極殿後隋曰中書

殿唐貞觀五年建兩京記太宗破突厥于兩儀殿宴突利
可汗賦七言詩柏梁體武平一傳中宗宴兩儀殿令胡人
唱合笙平一上書曰兩儀殿者陛下受朝聽政之所不宜
以倡優嫖狎萬春殿六典兩儀殿東又千秋殿兩儀殿
西長安志又西有新殿獻春門六典兩儀之左又宜秋
門兩儀之右宜秋之右曰百福門百福殿長安志百福
門內宣宗改雍和殿內有親親樓諸王宴會之所也兩京
記百福殿在太極宮公主院西會要大中元年敕修百福
殿八十間承慶門六典百福之西承慶殿六典承慶
門內唐中宗紀景龍二年七月御承慶殿慮囚徒立政
門六典獻春之左立政殿六典立政門內大吉門六

典立政之東

大吉殿六典大吉門內

甘露門六典兩

儀北曰甘露門長安志門外有東西永巷東出橫門又東

有日華門西出橫門又西有月華門院北有東西千步廊

西有掖庭甘露殿長安志甘露門內會要太和二年修

兩儀殿及甘露殿一百七十二間景龍文館記中宗令諸

學士入甘露殿其北壁列書架神龍門長安志甘露左

神龍殿長安志神龍門內在武德殿後安仁門長安

志甘露右安仁殿長安志安仁門內在甘露殿西佛

光寺長安志乾化門內神龍殿西歸真觀長安志安仁

殿後觀後有綵絲院淑景殿長安志綵絲院西殿西有

第三落次西第四落又次西第五落延嘉殿長安志在

甘露殿近北殿南有金水河往北流入苑馬志西有咸池

館承香殿長安志延嘉殿北殿東卽元武門北入苑馬志

西有昭慶殿昭慶西爲凝香閣閣西爲鶴羽殿景福志

臺馬志延嘉殿西北長安志臺西有望雲亭紫雲閣馬志

延嘉殿東長安志閣西有南北千步廊舍南至尚食院

西北盡宮城閣南有山水池凝陰殿尚食內院馬志並

在紫雲閣西異聞集天寶七載旱元宗于凝陰殿令葉靖

天師祀鏡龍得甘雨凌烟閣長安志凝陰殿南南部新

畫凌烟閣畫功臣皆北向功臣閣長安志凌烟閣西東

有司寶庫毬場亭子一作鞠場亭子長安志凝陰之北宏文

殿觀雲殿馬志俱凝陰殿北四海池雍大記一在毬場

亭東一在咸池殿東一在望雲亭西一在望雲亭北 掖
庭長安志永安門西有掖庭 內侍省長安志掖庭南隅
按西內太極宮有興仁門宣猷門崇道門惠訓門昭德
門安禮門正禮門宣光門通福門光昭門嘉猷門華光
門暉儀門壽安門綏福門翔鳳殿薰風殿就日殿咸池
殿臨照殿望仙殿鶴仙殿乘龍殿翔鳳閣並見六典方
位無考

東宮長安志在太極宮中自承天門而東其第三門曰重
明門卽東宮正位也門外有東宮朝堂在焉 宣明門長
安志嘉德正南 嘉德門長安志明德殿南門東有東奉
化門西有西奉化門門外東廊爲左永福西廊爲右永福

門 明德殿長安志東宮正殿會要武德九年八月太宗
卽位于東宮明德殿玉海卽顯德殿中宗諱顯爲太子時
改曰明德長安志殿東廊爲左嘉善門西廊爲右嘉善門
通典皇太子正至受賀四部伎立于左右嘉善門外宜
春宮宜秋宮長安志俱在奉化門北 宜春門馬志嘉德
殿東北門外道東有典膳厨道西有命婦院宜春北院

左春坊右春坊通典龍朔二年改門下坊爲左春坊典書
坊爲右春坊玉海東宮宜春宮門外有左春坊宜秋宮門
外有右春坊 崇文館玉海左春坊南 崇教殿玉海右
春坊內 麗正殿集賢注記在崇教殿北光大殿南長安
志開元改爲集仙殿十三年改爲集賢殿

按唐會要馬周疏大安宮居在城之西東宮皇太子居之而在內是東宮在太極宮中也中有光大殿承恩殿崇文殿崇仁殿八風殿射殿亭子山池佛堂院左右長林門並見長安志方位無考

掖庭宮長安志宮城東西四里南卽皇城北抵苑掖庭西門貞觀二年勅左丞戴胄于掖庭西門簡宮人出之掖庭宮蓋高祖所起宮人教藝之所也

大安宮雍錄在宮城外西偏太宗嘗獵昆明池獻獲于大安宮蓋自昆明東歸之路也會要武德七年五月營宏義宮初秦王居宮中承乾殿高祖以秦王有克定天下功建宏義宮居之九年七月高祖以宏義宮有山林勝境貞觀